

কমপিউটার জগতের খবর

কেরানীগঞ্জ ইউএনও অফিস 'পেপারলেস'

স্বল্প ব্যয়ে ও স্বল্প সময়ে ইউনিয়ন ডিজিটাল সেন্টারের (ইউডিসি) মাধ্যমে জমির খতিয়ান প্রাপ্তির আবেদন কার্যক্রমের এবং কেরানীগঞ্জ উপজেলা পরিষদে অবস্থিত 'পেপারলেস কেরানীগঞ্জ ইউএনও অফিস, নলেজ ডেক এবং ওয়ানস্টপ সার্ভিস সেন্টার'-এর উদ্বোধন করা হয়েছে। অনুষ্ঠানে ঢাকা বিভাগীয় কমিশনার হেলালুদ্দীন আহমদ বলেন, ঢাকা জেলার ৭৭টি উপজেলা, সব ইউনিয়ন ও পৌর ডিজিটাল সেন্টারের মাধ্যমে জনগণ খতিয়ান বা পর্চা প্রাপ্তির জন্য মাত্র ১২০ টাকা পরিশোধ করে আবেদন করতে পারবেন। এতে করে সেবা প্রার্থীদের সময় ও অর্থের সাশ্রয়

হবে এবং জনগণের হয়রানি হ্রাস পাবে। অনুষ্ঠানে ঢাকা জেলা প্রশাসক মোহাম্মদ সালাহ উদ্দিন বলেন, দেশের ৪৯০টি উপজেলার মধ্যে কেরানীগঞ্জ উপজেলায় প্রথম 'পেপারলেস কেরানীগঞ্জ ইউএনও অফিস, নলেজ ডেক এবং ওয়ানস্টপ সার্ভিস সেন্টার' স্থাপন করা হয়েছে। ঢাকা জেলা প্রশাসনের উদ্যোগে ও উপজেলা পরিষদের সহযোগিতায় এই কার্যক্রমের মাধ্যমে ২৪ ঘণ্টা সপ্তাহে সাত দিন বিশ্বের যেকোনো প্রান্ত থেকে যেকোনো আবেদনকারী ওয়েবপোর্টাল ও অ্যান্ড্রয়েড মোবাইল অ্যাপসের মাধ্যমে সেবাপ্রাপ্তির জন্য আবেদন বা অভিযোগ করতে পারবেন।

'দেশে ১০ হাজার ইনফো লিডার গড়ে তোলা হচ্ছে'

দেশের ১০ হাজার ইউনিয়ন ডিজিটাল সেন্টারের (ইউডিসি) ১০ হাজার উদ্যোক্তাকে প্রশিক্ষিত করার মাধ্যমে 'ইনফো লিডার' হিসেবে গড়ে তোলা হচ্ছে। তথ্য ও যোগাযোগ প্রযুক্তি সচিব শ্যাম সুন্দর সিকদার এই তথ্য জানিয়েছেন। সম্প্রতি চট্টগ্রাম সরকারি টিচার্স



ট্রেনিং কলেজে তিন দিনব্যাপী প্রশিক্ষক-প্রশিক্ষণ (মাস্টার ট্রেনার) কর্মশালায় প্রধান অতিথি ছিলেন শ্যাম সুন্দর। কর্মশালায় তিনি বলেন, গ্রামে বসবাসকারী দেশের ৭০ শতাংশ মানুষের কাছে তথ্যপ্রযুক্তি সেবা পৌঁছে দিতে সাড়ে চার হাজারের বেশি ইউডিসি প্রতিষ্ঠা করা হয়েছে। এসব ইউডিসির প্রায় ১০ হাজার উদ্যোক্তা গ্রামের ৪৫ লাখ মানুষকে তথ্যসেবা দিচ্ছে।

লিঙ্কডইন কিনেছে মাইক্রোসফট

পেশাজীবীদের সামাজিক যোগাযোগমাধ্যম লিঙ্কডইন কিনেছে সফটওয়্যার জায়ান্ট মাইক্রোসফট। লিঙ্কডইন কিনতে বিল গেটস প্রতিষ্ঠিত কোম্পানিটিকে ২৬ দশমিক ২ বিলিয়ন ডলার খরচ করতে হয়েছে। প্রযুক্তি দুনিয়ায় একে অন্যতম বৃহৎ লেনদেন হিসেবে দেখা হচ্ছে। সম্প্রতি এই খবর ছড়িয়ে পড়া মাত্র লিঙ্কডইনের শেয়ার মূল্য ৫০ শতাংশ বেড়ে যায়। তবে এত অর্থ খরচের সিদ্ধান্ত নেয়ার মাইক্রোসফটের নিজের শেয়ার মূল্য সাড়ে ৩ শতাংশ কমে গেছে।



মাইক্রোসফট জানিয়েছে, লিঙ্কডইনের বর্তমান প্রধান নির্বাহী জেফ ওয়েইনার সত্য নাদেলার অধীনস্থ হয়ে কাজ করবেন। নাদেলা বলেন,

পেশাজীবীদের একে অপরের সাথে যুক্ত করতে লিঙ্কডইন টিম অসাধারণ কাজ করেছে। এখন আমরা একসাথে লিঙ্কডইন ও অফিস ৩৬৫-কে সামনে এগিয়ে নিয়ে যাব। সারা বিশ্বে ৪০ কোটি মানুষ লিঙ্কডইন ব্যবহার করেন। বিশ্বব্যাপী এর ব্যবসায় পড়তির দিকে ছিল। মাইক্রোসফট বলছে, লিঙ্কডইনের ভবিষ্যৎ নিয়ে আমরা আত্মবিশ্বাসী।

এমএনপির নিলাম ২১ সেপ্টেম্বর

নম্বর অপরিবর্তিত রেখে অপারেটর বদলের সুযোগ তৈরির জন্য মোবাইল নম্বর পোর্টেবিলিটি বা এমএনপি সেবার অপারেটর নিয়োগে আগামী ২১ সেপ্টেম্বর নিলাম হবে। সম্প্রতি টেলিযোগাযোগ নিয়ন্ত্রক সংস্থা বিটিআরসির চেয়ারম্যান শাহজাহান মাহমুদ এক সংবাদ সম্মেলনে এই তথ্য জানান। শাহজাহান মাহমুদ বলেন, নিলাম প্রক্রিয়া শেষ হওয়ার পর লাইসেন্স হস্তান্তর করে এ বছর সেবা চালু করা যাবে বলে আমরা আশা করছি। তিনি জানান, আগামী ১৬

জুন এই নিলামের জন্য আবেদন চাওয়া হবে। জুলাই মাসে প্রি-বিড মিটিং ও আগস্টে বিড আর্নেস্ট ম্যানি জমা নেয়ার পর ২১ সেপ্টেম্বর নিলাম হবে। বিটিআরসি প্রধান জানান, নিলাম প্রক্রিয়ায় আবেদন ফি ১ লাখ টাকা, বিড আর্নেস্ট ম্যানি ১০ লাখ টাকা, নিলামের ভিত্তিমূল্য ১ কোটি টাকা, বার্ষিক লাইসেন্স ফি ২০ লাখ টাকা, রাজস্ব ভাগাভাগি বাবদ প্রথম বছর শূন্য শতাংশ এবং দ্বিতীয় বছর থেকে ৫ দশমিক ৫ শতাংশ এবং ব্যাংক গ্যারান্টি বাবদ ১ কোটি টাকা দিতে হবে।

৬ মোবাইল অপারেটরকে দিতে হবে ৯৫ কোটি টাকা

উচ্চ আদালতের আপিল বিভাগ ৬ মোবাইল ফোন অপারেটরকে ভ্যাট বাবদ ৯৫ কোটি টাকা পরিশোধ করতে বলেছে। এর আগে জাতীয় রাজস্ব বোর্ডের বৃহৎ করদাতা ইউনিট ওই অর্থ

পরিশোধের নির্দেশ দিয়েছিল। কোম্পানিগুলো তখন রিট আবেদন করলে হাইকোর্ট কর স্থগিত করেছিল। এর বিরুদ্ধে রাষ্ট্রপক্ষ আপিল বিভাগে গেলে প্রধান বিচারপতি এসকে সিনহার নেতৃত্বাধীন চার সদস্যের আপিল বেঞ্চ তা নিষ্পত্তি করে আদেশ দেন।

ইনস্ট্রামে ব্যবহারকারী ৫০ কোটি

বিশ্বের ৫০ কোটি মানুষ ব্যবহার করে থাকেন ছবি বিনিময়ের সাইট ইনস্ট্রাম। এর মধ্যে ৮০ শতাংশের বেশি মানুষ মার্কিন যুক্তরাষ্ট্রের বাইরে থেকে সাইটটিতে লগইন করেন। সম্প্রতি এক বিবৃতিতে এই তথ্য জানিয়েছে ফেসবুক অধিকৃত ছবি শেয়ারের সাইটটি। গত সেপ্টেম্বরে ইনস্ট্রাম ব্যবহারকারীর সংখ্যা ৪০ কোটি ছিল বলে ওই বিবৃতিতে জানিয়েছে সংশ্লিষ্টরা। ইনস্ট্রাম কর্তৃপক্ষ আরও জানিয়েছে, গত দুই বছরে তাদের ব্যবহারকারী দ্বিগুণ হয়েছে। বর্তমানে গড়ে দিনপ্রতি ৩০ কোটি মানুষ সাইটটিতে প্রবেশ করে থাকেন।

গ্রামীণফোনের ১০ হাজার খ্রিজি বিটিএস স্থাপনের মাইলফলক

গ্রামীণফোন গত ২৬ জুন বহুল প্রতীক্ষিত ১০ হাজার খ্রিজি বিটিএস স্থাপনের মাইলফলক অতিক্রম করেছে। দেশজুড়ে ১০ হাজার স্থানে অবস্থিত এই বিটিএসগুলো দেশের প্রায় ৯০ শতাংশ জনগোষ্ঠীকে খ্রিজির আওতায় নিয়ে এসেছে। টেলিযোগাযোগ প্রতিমন্ত্রী তারানা হালিম স্থানীয় একটি হোটেলে এ উপলক্ষে আয়োজিত এক অনুষ্ঠানে ১০ হাজারতম বিটিএসটি চালু করেন। অনুষ্ঠানের বিশেষ অতিথি বিটিআরসির চেয়ারম্যান ড. শাহজাহান মাহমুদ এ সময় গ্রামীণফোনের সিইও রাজীব শেঠির সাথে উপস্থিত ছিলেন।

এ বছরের জানুয়ারি মাসে গ্রামীণফোনের সিইও রাজীব শেঠি, টেলিনর গ্রুপের প্রেসিডেন্ট ও সিইও সিগভে ব্রেকের উপস্থিতিতে জুনের মধ্যে ১০ হাজার খ্রিজি বিটিএস স্থাপনের ঘোষণা দেন। এই অঞ্চলে জনসংখ্যার বিচারে এটি অন্যতম দ্রুত এবং বৃহত্তম খ্রিজি নেটওয়ার্ক বিস্তার। এর ফলে শুধু দেশের প্রায় সব মানুষ খ্রিজির আওতায় আসবে না, সরকার এবং অন্য প্রতিষ্ঠানগুলোর পক্ষে আরও বেশি মানুষের কাছে কার্যকরভাবে ডিজিটাল সেবা নিয়ে যাওয়া সম্ভব হবে।

জাপানের আইটি খাতে কর্মসংস্থান হবে বাংলাদেশী তরুণদের

বাংলাদেশ কমপিউটার কাউন্সিল এবং আইসিটি বিভাগের উদ্যোগে সম্প্রতি অনুষ্ঠিত হয় আইটি ইঞ্জিনিয়ার্স এক্সামিনেশন (আইটিইই) বিষয়ক সেমিনার ও সনদপত্র বিতরণী অনুষ্ঠান। আইসিটি প্রতিমন্ত্রী জুনাইদ আহমেদ পলক অনুষ্ঠানে প্রধান অতিথি থেকে আইটিইই সার্টিফিকেশন অর্জনকারীদের মাঝে সনদ বিতরণ করেন। প্রধান অতিথির বক্তব্যে তিনি বলেন, '২০২০ সালের মধ্যে জাপানে ৬০ হাজার আইটি পেশাজীবী প্রয়োজন। তবে দেশটির জনসংখ্যার অর্ধেকের বেশির বয়স ৫০-এর বেশি। তাই আইটি পেশাজীবীদের চাহিদা মেটাতে বাংলাদেশের সাথে মিলে আইটিইই চালু করা হয়েছে। এর মাধ্যমে জাপানে বাংলাদেশের আইটি পেশাজীবীদের কর্মসংস্থানের সুযোগ তৈরি হবে। প্রতিবছর এপ্রিল ও অক্টোবরে এ পরীক্ষা অনুষ্ঠিত হয়। এ সার্টিফিকেশন জাপানসহ এশিয়ার ১৩টি দেশে স্বীকৃত। এ পর্যন্ত আইটিইই সার্টিফিকেশন পেয়েছেন ২৩১ জন।



রবির ডিজিটাল ট্রেন টিকেটিং সলিউশন



ডিজিটাল ট্রেন টিকেটিং সলিউশন সেবা চালু করেছে মোবাইল ফোন অপারেটর রবি। সেবাটি পেতে রবি গ্রাহকদের *১৩১# ডায়াল করে টিকেট বুক করতে হবে। এরপর একটি সহজ প্রক্রিয়ার মাধ্যমে গ্রাহকের কাছ থেকে যাত্রার তারিখ, কোন স্টেশন থেকে যাত্রা করবেন, কোন স্টেশন তার গন্তব্য, কোন ট্রেনে যাবেন, কোন শ্রেণী ও কোন সিটটি তিনি কিনতে ইচ্ছুক- এসব তথ্য জানতে চাওয়া হবে। টিকেট বুকিং প্রক্রিয়া শেষে বুকিং কোডসহ একটি এসএমএস গ্রাহক পাবেন, যাতে টিকেটটি কেনার জন্য কত টাকা লাগবে তাও উল্লেখ থাকবে। এসএমএসটি গ্রহণ করার ৩০ মিনিটের মধ্যে দেশজুড়ে রবির ১২ হাজার ক্যাশ পয়েন্টের যেকোনোটিতে টিকেটের দাম পরিশোধ করা যাবে। গ্রাহক ইচ্ছে করলে পুরো প্রক্রিয়াটিই এজেন্ট পয়েন্টগুলোর সহায়তায় করতে পারবেন। দাম পরিশোধ করার পর গ্রাহক এসএমএসে একটি ই-টিকেট নম্বর পাবেন। এই ই-টিকেটটি রেলস্টেশনের কমপিউটার কাউন্টারে দেখিয়ে গ্রাহকদের প্রচলিত ট্রেন টিকেট সংগ্রহ করতে হবে। ট্রেন ছাড়ার এক ঘণ্টা আগে টিকেটটি সংগ্রহ করতে হবে। দেশের ৫২টি রেলস্টেশনের টিকেট পাওয়া যাবে এই প্ল্যাটফর্মটিতে।

সোনিয়া বশিরের ৫ মিলিয়ন ডলারের স্টার্টআপ কোম্পানি ডি মানি



পাঁচ মিলিয়ন মার্কিন ডলার অনুদানপ্রাপ্ত স্টার্টআপ প্রতিষ্ঠান ডি মানি লিমিটেড অতি শিগগিরই বাংলাদেশে কার্যক্রম শুরু করতে যাচ্ছে। সিনটেকের ব্যবস্থাপনা পরিচালক ও প্রধান নির্বাহী কর্মকর্তা আরেফ আর বশির এবং মাইক্রোসফট বাংলাদেশের ব্যবস্থাপনা পরিচালক সোনিয়া বশির কবির মিলে ফিন্যান্সিয়াল টেকনোলজি (ফিনটেক) ভিত্তিক প্রতিষ্ঠান ডি মানি বাংলাদেশ লিমিটেড প্রতিষ্ঠা করেন।

শুরুতেই উদ্দীপন অ্যানার্জি লিমিটেডের (ইউইএল) সাথে একটি চুক্তি করেছে ডি মানি। চুক্তি অনুযায়ী বাংলাদেশে উদ্দীপনের সেবা গ্রহণকারীদের ডিজিটাল কারেন্সি পেমেট নেটওয়ার্ক সেবা দেবে ডি মানি। মাইক্রোসফট বাংলাদেশের ব্যবস্থাপনা পরিচালক সোনিয়া বশির কবির বলেন, আমি পরমানন্দের সাথে জানাতে চাই, ১০০ ভাগ দেশীয় সফটওয়্যারের মাধ্যমে মানসম্মত সেবা দেয়ার মাধ্যমে আমরা এটিকে বিশ্ব বাজারে সমাদৃত করার পরিকল্পনা নিয়েছি। বাংলাদেশে নারীদের মাঝে প্রযুক্তি ব্যবহারের ব্যাপারে আমি সবসময় দৃঢ়প্রতিজ্ঞ এবং সুবিধাবঞ্চিত মানুষের জন্য 'ডি মানি' অর্থনৈতিক লেনদেনের চিরাচরিত চেহারা ই পাল্টে দেবে। নারী এবং সুবিধাবঞ্চিতদের স্বার্থরক্ষা এবং তাদের মাঝে প্রযুক্তির সুফল পৌঁছে দেয়া আমাদের সবারই দায়িত্ব বলে আমি মনে করি।

প্রযুক্তি খাতে ভ্যাট-ট্যাক্স ডিজিটাল বাংলাদেশ নির্মাণের প্রতিবন্ধকতা

তথ্যপ্রযুক্তি খাতে ভ্যাট-ট্যাক্স ডিজিটাল বাংলাদেশ বিনির্মাণ ব্যাহত করবে বলে মন্তব্য করেছেন এফবিসিসিআই সভাপতি আবদুল মাতলুব আহমাদ। সম্প্রতি এফবিসিসিআই মিলনায়তনে প্রস্তাবিত বাজেটে তথ্যপ্রযুক্তি খাত সংশ্লিষ্টদের বাজেট প্রস্তাবনা নিয়ে 'ডিজিটাল বাংলাদেশ বিনির্মাণে বাজেট ভাবনা' শীর্ষক মতবিনিময় সভায় এ মন্তব্য করেন তিনি। এফবিসিসিআইয়ের সদস্যভুক্ত তথ্যপ্রযুক্তি সংগঠনগুলোর পক্ষ থেকে এই সভা আয়োজিত হয়। বেসিস সভাপতি ও এফবিসিসিআই পরিচালক শামীম আহসান বলেন, দেশের তথ্যপ্রযুক্তি খাতের উন্নয়ন ও ডিজিটাল বাংলাদেশ বিনির্মাণে সরকারের বার্ষিক উন্নয়ন কর্মসূচির অন্তর্গত ১০ শতাংশ বাজেট সফটওয়্যার ও তথ্যপ্রযুক্তি খাতের জন্য বরাদ্দ রাখতে হবে। এ ছাড়া তথ্যপ্রযুক্তি খাতের বাড়িভাড়া ওপর আরোপিত ট্যাক্স ও সম্ভাবনাময় ই-কমার্স খাতের ট্যাক্স রহিত করা প্রয়োজন। এ ছাড়া আলোচনা করেন এফবিসিসিআই পরিচালক শাফকাত হায়দার, এম শোয়েব চৌধুরী, আইএসপিএবির উপদেষ্টা আখতারুজ্জামান মঞ্জু, এফবিসিসিআইয়ের স্ট্যান্ডিং কমিটি অন ডিজিটলাইজেশন অব ট্রেড বডিজের চেয়ারম্যান আক্বাস মাহমুদ, বিসিএস সভাপতি আলী আশফাক, আইএসপিএবি মহাসচিব এমদাদুল হক, অ্যামটব মহাসচিব এটিএম নুরুল কবির, ই-ক্যাব সভাপতি রাজিব আহমেদ, বাক্য'র যুগ্ম মহাসচিব আমিনুল হক, বিএমপিআইএ সভাপতি রুহুল আমিন আল মাহবুব, সিপিএবি সভাপতি এটিএম মাহবুবুল আলম, বিসিএমএ সভাপতি মিজা শামসুল ইসলাম, বিএমপিবিএ সভাপতি নাজিম উদ্দিন জিতু প্রমুখ।

সাশ্রয়ী অ্যালক্যাটেল এক্স১ বাজারে

দেশের বাজারে অ্যালক্যাটেল এক্স১ স্মার্টফোন নিয়ে এসেছে ইরাসেল লিমিটেড। এতে ১৩ মেগাপিক্সেলের অটো ফোকাস ডুয়াল এলইডি ফ্ল্যাশের রিয়ার ক্যামেরা, অ্যান্ড্রয়েড ললিপপ ৫.১ অপারেটিং সিস্টেম এবং ৫ ইঞ্চির ডিসপ্লে জুড়ে দেয়া হয়েছে। ৬৪ বিটের ১.৪ গিগাহার্টজের অক্টাকোর প্রসেসরের স্মার্টফোনটিতে ব্যবহার করা হয়েছে কোয়ালকমের স্ল্যাপড্রাগন এমএসএম৭৯২৯। এতে আরও রয়েছে অ্যাড্রিনো৪০৫ (গ্রাফিক্স প্রসেসর), জি-সেন্সর,



জাইরোকোপ, ই ক ম প া স, প্রক্সিমিটি সেন্সর, লাইট সেন্সর। স্মার্টফোনটিতে রয়েছে ফেজ ডিটেকশন অটো ফোকাস (পিডিএএফ), টাচ ফোকাস, স্মাইল ডিটেকশন, এইচডিআর, ফেস বিউটি মোড, ভয়েস ক্যাপচার, ৭৯.৮ ডিগ্রি ওয়াইড অ্যাঙ্গেল। অ্যাপাচার সাইজ এফ/২.২, ক্যামেরা সেন্সর ১/৩.০৬ ইঞ্চি, পিক্সেল সাইজ ১.১২ মাইক্রোমিটার, হাই ডায়নামিক রেঞ্জ। সেলফিপ্রেমীদের জন্য রয়েছে ৫ মেগাপিক্সেলের ফ্রন্ট ক্যামেরা। সাথে আছে এফ ২.০ অটোফোকাস এলইডি ফ্ল্যাশ এবং ৭৫ ডিগ্রি উয়াইডার অ্যাঙ্গেল, এতে সবাই মিলে তোলা যাবে গ্রুপ সেলফি কিংবা উইফি। এক বছরের ওয়ারেন্টিসহ দাম ১৩,৯৯৯ টাকা।

ওরাকল ১১জি ডিবিএ

পারফরম্যান্স টিউনিং প্রশিক্ষণ

ওরাকল ইউনিভার্সিটির অনুমোদিত পাঠনার আইবিসিএস-প্রাইমেক্সে ওরাকল ১১জি ডিবিএ পারফরম্যান্স টিউনিং কোর্সটি অনুষ্ঠিত হতে যাচ্ছে। এতে প্রশিক্ষক থাকবেন ওরাকল ইউনিভার্সিটির অনুমোদিত শিক্ষক। চলতি মাসে ওরাকল ১১জি ডিবিএ, আরএসি ট্রেনিং অনুষ্ঠিত হবে। যোগাযোগ : ০১৭১৩৩৯৭৫৬৭

মাইক্রোসফট এসকিউএল ও

উইন্ডোজ সার্ভার ২০১২ কোর্সে ভর্তি

আইবিসিএস-প্রাইমেক্সে মাইক্রোসফট এসকিউএল ও উইন্ডোজ সার্ভার ২০১২ কোর্সে ভর্তি চলছে। সার্টিফায়েড প্রশিক্ষক দিয়ে প্রশিক্ষণ দেয়া হবে। চলতি মাসে শুরু ও শনিবারের ব্যাচে এসকিউএল ও উইন্ডোজ সার্ভার কোর্সের ক্লাস শুরু হবে। যোগাযোগ : ০১৭১৩৩৯৭৫৬৭-৮

আসছে দেশীয় মেসেজিং অ্যাপ 'আলাপন'

বাংলাদেশের নিজস্ব একটি ইনস্ট্যান্ট মেসেজিং ও ভিওআইপি অ্যাপ চালু করা হবে বলে জানিয়েছেন তথ্য ও যোগাযোগ প্রযুক্তি প্রতিমন্ত্রী জুনাইদ আহমেদ পলক। 'আলাপন' নামের এ অ্যাপের মাধ্যমে দেশের সরকারি কর্মকর্তা-কর্মচারীরা সহজেই দাফতরিক কাজ সম্পাদনে যোগাযোগ রক্ষা করতে পারবেন। সম্প্রতি বাংলাদেশ মেডিক্যাল অ্যাসোসিয়েশন (বিএমএ) ভবনে সাংবাদিকদের জন্য বেসিক আউটসোর্সিং



প্রশিক্ষণের উদ্বোধনী অনুষ্ঠানে তিনি এসব কথা বলেন। প্রতিমন্ত্রী বলেন, ভাইবার, হোয়াটসঅ্যাপের মতো একটি অ্যাপ তৈরির উদ্যোগ নিয়েছে আইসিটি বিভাগ। বাংলাদেশের সবাই এ অ্যাপ ব্যবহার করতে পারবেন। দেশীয় একটি প্রতিষ্ঠান এরই মধ্যে 'আলাপন' নামের অ্যাপটির বোটা সংস্করণ তৈরি করেছে।

তিনি বলেন, আশা করছি অল্পদিনের মধ্যেই অ্যাপটি প্রধানমন্ত্রীর কাছে উপস্থাপন করতে পারব। আইসিটি বিভাগের নিজস্ব এ অ্যাপের মাধ্যমে ১৪ লাখ সরকারি কর্মকর্তা তাদের মধ্যকার ফাইল লেনদেন, ভিডিও কনফারেন্সসহ নানা যোগাযোগ ইন্টারনেটের মাধ্যমে সামান্য অর্থ খরচে রক্ষা করতে পারবেন।

৩৬০ ডিগ্রি ছবি শেয়ারের সেবা ফেসবুকে



ফেসবুক এবার নতুন এক সেবা চালু করেছে। তা হলো এখন স্মার্টফোন থেকে ৩৬০ ডিগ্রি ফটো নিয়ে শেয়ার করা যাবে সোশ্যাল নেটওয়ার্কিংয়ের এই সাইটে। এর জন্য লাগবে হালনাগাদ সংস্করণের ফেসবুক অ্যাপ। খোদ মার্ক জুকারবার্গ এই সেবার সাথে পরিচয় করিয়ে দিয়েছেন ফেসবুক ব্যবহারকারীদের।

ফেসবুকের হালনাগাদ সংস্করণ ইনস্টল করলে এক ক্লিকেই শেয়ার করা যাবে ৩৬০ ডিগ্রি ফটো। মাস কয়েক আগে ৩৬০ ডিগ্রি ভিডিও শেয়ারের সেবা উন্মোচন করে ফেসবুক। এই সেবার মতোই একই ধরনের মেকানিজমে কাজ করবে ৩৬০ ডিগ্রি ছবি শেয়ারের সেবা। এতে এসব ছবি ভার্সুয়াল রিয়ালিটিতে দেখা যাবে। এক ব্লগ পোস্টে আনুষ্ঠানিকভাবে নতুন সেবার ঘোষণা দিয়েছেন মার্ক জুকারবার্গ। শুধু তাই নয়, ওই পোস্টে ৩৬০ ডিগ্রি ভিডিও ও ৩৬০ ডিগ্রি ছবি শেয়ার সেবার পার্থক্যও বুঝিয়ে দিয়েছেন তিনি।

ডেলের শীর্ষ কমার্শিয়াল পার্টনার স্মার্ট টেকনোলজিস



গত ২২ জুলাই ফিলিপাইনের ম্যানিলায় জাঁকজমকপূর্ণভাবে অনুষ্ঠিত হয়েছে ডেল সাউথ এশিয়া অ্যান্ড কোরিয়া চ্যানেল সামিট ২০১৬। অনুষ্ঠানে ডেলের এন্টারপ্রাইজ সিস্টেম ও ক্লায়েন্ট পোর্টফলিও গ্রুপ পণ্যের ব্যবসায়ী বিশেষ

অবদান রাখায় 'টপ এসএডিএমজি কমার্শিয়াল' পার্টনার পুরস্কার পেয়েছে বাংলাদেশের অন্যতম শীর্ষ তথ্যপ্রযুক্তি পণ্য পরিবেশক প্রতিষ্ঠান স্মার্ট টেকনোলজিস। ডেল এসএডিএমজির (সাউথ এশিয়ান ডেভেলপিং মার্কেটিং গ্রুপ) জেনারেল ম্যানেজার হারজিৎ সিংয়ের কাছ থেকে পুরস্কার গ্রহণ করেন স্মার্ট টেকনোলজিসের ব্যবস্থাপনা পরিচালক মোহাম্মদ জহিরুল ইসলাম। উল্লেখ্য, ডেলের এসএডিএমজি অঞ্চলের অন্তর্ভুক্ত দেশগুলো হলো- বাংলাদেশ, নেপাল, শ্রীলঙ্কা, ভুটানসহ কয়েকটি দেশ।



এসএসএল কমার্জ 'মার্চেন্ট মিটআপ ২০১৬' অনুষ্ঠিত

দেশের শীর্ষ অনলাইন পেমেন্ট গেটওয়ে প্রতিষ্ঠান এসএসএল কমার্জের 'এসএসএল কমার্জ মার্চেন্ট মিটআপ ২০১৬' অনুষ্ঠিত হয়েছে। ২১ জুন রাজধানীর রাওয়াকনভেনশন সেন্টারে এসএসএল কমার্জের সাথে যুক্ত প্রতিষ্ঠানগুলোর অংশগ্রহণে এ মিটআপ অনুষ্ঠিত হয়। অনুষ্ঠানে উপস্থিত ছিলেন এসএসএল কমার্জের ব্যবস্থাপনা পরিচালক সাইফুল ইসলাম। জেনারেল ম্যানেজার আশিস চক্রবর্তী বলেন, আমাদের দেশে বর্তমানে ই-কমার্স খাত



বেশ ভালোভাবেই এগিয়ে চলেছে। এ ক্ষেত্রে যে সেবাটি সাধারণত বেশি নির্ভরযোগ্যভাবে প্রয়োজন হয় তা হচ্ছে অনলাইন পেমেন্ট সেবা। আর অনলাইন পেমেন্ট সেবাদাতা প্রতিষ্ঠান এসএসএল কমার্জ এ ক্ষেত্রে দারুণ কাজ করেছে। অনুষ্ঠানে এসএসএল কমার্জের আসন্ন নতুন চারটি সার্ভিস প্রেজেন্টেশনের মাধ্যমে মার্চেন্টদের মাঝে সম্পূর্ণ বর্ণনা তুলে ধরেন নাজমুস সাকেব (হেড অব ই-কমার্স সার্ভিস)। এছাড়া 'ইএমআই' এবং 'কুইক পে' নামে নতুন দুটি সার্ভিসের বর্ণনা তুলে ধরা হয় অনুষ্ঠানে। অনুষ্ঠানের শেষ পর্যায়ে ছিল এসএসএল কমার্জ মার্চেন্টদের সাথে আলোচনা পর্ব। আলোচনা পর্বে মার্চেন্টরা এসএসএল কমার্জ নিয়ে বিভিন্ন মন্তব্য এবং সমস্যাগুলোর কথা তুলে ধরেন। এসএসএল কমার্জ ইতোমধ্যে দেশের প্রায় ৮-৩ শতাংশ অনলাইন পেমেন্ট সেবায় নিয়োজিত রয়েছে। ২০১০ সাল থেকে এসএসএল কমার্জ যাত্রা শুরু করে বর্তমানে প্রতিষ্ঠানটি ৯ শতাধিক মার্চেন্টকে সেবা দিয়ে আসছে।

বাংলালিংকের ডিজিটাল হেলথ অ্যাপ

ডিজিটাল কমিউনিকেশন সেবাদাতা প্রতিষ্ঠান বাংলালিংক নিয়ে এসেছে ডিজিটাল হেলথ অ্যাপ 'বাংলালিংক হেলথ জোন'। এই অ্যাপ ব্যবহারকারীরা তাদের নিজ নিজ অবস্থান থেকেই ব্যক্তিগত স্বাস্থ্যসেবা নিতে সক্ষম হবেন। এই অ্যাপের অত্যাধুনিক প্রযুক্তি ড্যাশবোর্ড পদ্ধতির মাধ্যমে বাংলালিংক গ্রাহকেরা ব্যক্তিগত স্বাস্থ্য সম্পর্কিত যাবতীয় তথ্য সংরক্ষণ করতে পারবেন। এর ব্যক্তিগত মেডিক্যাল ডিভাইস ডাটা দিয়ে গ্রাহকেরা তাদের স্বাস্থ্য সম্পর্কিত ব্যাপক তথ্য সন্নিবেশিত করতে পারবেন। এ ছাড়া ব্যবহারকারীরা মোবাইলের মাধ্যমে চিকিৎসক অথবা কেয়ার প্রোভাইডারকে স্বাস্থ্য সম্পর্কিত তথ্যগুলো শেয়ার করতে পারবেন। বাংলালিংক হেলথ জোনে সাবস্ক্রাইব করে গ্রাহকেরা হার্ডার্ড মেডিক্যালের বিশেষজ্ঞ ডাক্তারদের দিয়ে সম্পাদিত পরামর্শ, টিপস বিভিন্ন রোগ ও স্বাস্থ্যবিষয়ক তথ্য পাবেন। এটি একটি সাবস্ক্রিপশনভিত্তিক সেবা। গুগল প্লে ও অ্যাপল স্টোরে এই অ্যাপ পাওয়া যাবে। রেজিস্ট্রেশন করার পর গ্রাহকেরা ৫০ টাকায় ৭০ মেগাবাইট বোনাস ডাটা ভলিউম ১০ দিন উপভোগ করতে পারবেন।

অ্যাপলের পরবর্তী স্মার্টফোনে বিল্টইন ক্যামেরা



অ্যাপলের পরবর্তী সংস্করণের স্মার্টফোনে থাকবে বিল্টইন ক্যামেরাসহ একজোড়া অতিরিক্ত বাটন। সম্প্রতি নতুন এ দুই পেটেন্ট উন্মোচন করেছে অ্যাপল। পেটেন্ট পর্যালোচনা করে এই তথ্য জানিয়েছেন বিশ্লেষকরা। সম্প্রতি অ্যাপল পণ্যবিষয়ক ব্লগ 'পেটেন্টলি অ্যাপলে' নতুন দুই পেটেন্ট প্রকাশ করা হয়, যেখানে ইলাস্ট্রেশন বা চিত্রের মাধ্যমে নতুন ফিচারসহ পরবর্তী অ্যাপল ফোনের নকশা কেমন হবে তা দেখানো হয়েছে। দুই পেটেন্ট অনুযায়ী মোবাইল ডিভাইস এবং স্মার্টফোনের মধ্যে মিথস্ক্রিয়ার জন্য ক্যামেরায় গুরুত্ব দেয়া হচ্ছে। ধারণা করা হচ্ছে, বিল্টইন ওই ক্যামেরা দিয়ে শুধু স্থিরচিত্র তোলা যাবে তা নয়, ভিডিও ধারণ করা যাবে।

আসুসের নতুন কোরআই৫ জেনবুক



গ্লোবাল ব্র্যান্ড বাজারে এনেছে নতুন কোরআই৫ জেনবুক 'এক্স৪৫৬ইউবি-৬২০০ইউ'। এতে রয়েছে ইন্টেল কোরআই৫ প্রসেসর, ২ জিবি এনভিডিয়া জিফোর্স জিটিএক্স ৯৪০এম ভিডিও গ্রাফিক্স এবং ১৪ ইঞ্চি ফুল এইচডি এলিডি ডিসপ্লে। আরও রয়েছে ১ টেরাবাইট সাটা হার্ডডিস্ক ও ৮ জিবি ডিডিআর৩ র‍্যাম ও চিকলেট কিবোর্ড। এ ছাড়া রয়েছে ওয়াই-ফাই, ব্লু-টুথ এইচডি ওয়েবক্যাম, ল্যানজ্যাক, মাল্টি-ফরম্যাট কার্ডরিডার। দুই বছরের ইন্টারন্যাশনাল ওয়ারেন্টিসহ ল্যাপটপটির দাম ৫২,৫০০ টাকা।

হুয়াওয়ে লাইকার ডুয়াল লেন্স ক্যামেরার পি৯ স্মার্টফোন

বহুল প্রতীক্ষিত ফ্ল্যাগশিপ মডেল পি৯ উন্মোচন করে অ্যাড্রয়ড স্মার্টফোন ব্র্যান্ড হুয়াওয়ে। রাজধানীর একটি হোটেলে সম্প্রতি স্মার্টফোনটি উন্মোচন করা হয়। হুয়াওয়ে পি৯ বিশ্বের প্রথম স্মার্টফোন, যেখানে বিশ্বের জনপ্রিয় লাইকা ক্যামেরা এজির প্রযুক্তিগত সহায়তায় ডুয়াল লেন্স ক্যামেরা যুক্ত করা হয়েছে।

হুয়াওয়ে পি৯-এ সংযোজিত হয়েছে বিশ্বের সেরা ক্যামেরা। চাহিদা অনুযায়ী ব্যবহারকারীরা তিনটি ভিন্ন মোড- স্ট্যান্ডার্ড, ভিভিড কালার এবং স্মুথ কালার ব্যবহার করে ছবি তুলতে পারবেন। পি৯-এ ব্যবহার করা হয়েছে নতুন ক্রিন ৯৫৫ মডেলের ২.৫ পিগাহার্টজের ৬৪ বিটের এআরএম প্রসেসর। আরও আছে ৫.২ ইঞ্চির ১০৮০ পিক্সেলের ডিসপ্লে, ৩০০০ মিলিঅ্যাম্পিয়ারের হাই-ডেনসিটি ব্যাটারি এবং নতুন প্রযুক্তির বিল্টইন ডুয়াল সিম ডুয়াল স্ট্যান্ডবাই কানেক্টিভিটি প্রযুক্তি। সর্বোচ্চ নিরাপত্তা নিশ্চিত করতে বিশ্বমানের বায়োমেট্রিক ফিঙ্গারপ্রিন্ট রিকগনিশন প্রযুক্তি আছে পি৯-এ। বিক্রয়োত্তর সেবাসহ হুয়াওয়ে পি৯-এর দাম ৪৭,৯৯০ টাকা।

টুইটারে ১৪০ সেকেন্ডের ভিডিও শেয়ার করা যাবে

স্কুদে ব্লগ লেখার সাইট টুইটারে ৪০ শব্দে টুইট এবং ৩০ সেকেন্ড দৈর্ঘ্যের ভিডিও পোস্ট করা যায়। নানা আলোচনা-সমালোচনার পরও টুইটের শব্দসীমায় পরিবর্তন আনেনি সংশ্লিষ্টরা। তবে পরিবর্তন এনেছে ভিডিও পোস্টের সময়সীমা বা দৈর্ঘ্যে। নতুন নিয়ম অনুযায়ী এখন থেকে সাইটটিতে ১৪০ সেকেন্ড দৈর্ঘ্যের ভিডিও পোস্ট করতে পারবেন এর সাধারণ ব্যবহারকারীরা। নিজেদের এক ব্লগ পোস্টে এই তথ্য জানিয়েছে টুইটার কর্তৃপক্ষ। ওই পোস্টে আরও বলা হয়েছে, টুইটারের সাধারণ ব্যবহারকারীরা ১৪০ সেকেন্ড দৈর্ঘ্যের ভিডিও পোস্ট করতে পারবেন, তবে কিছু প্রকাশক ১০ মিনিট দৈর্ঘ্যের ভিডিও পোস্ট করার সুবিধা পাবেন।

মাইক্রোম্যাক্স ওয়ার্ল্ড এখন বসুন্ধরা সিটিতে

গত ১৯ জুন রাজধানীর বসুন্ধরা সিটির ব্লক 'বি'র গ্রাউন্ডফ্লোরে বাংলাদেশে মাইক্রোম্যাক্সের পঞ্চম শোরুমের উদ্বোধন করা হয়েছে। মাইক্রোম্যাক্স ওয়ার্ল্ডের এই উদ্বোধনী অনুষ্ঠানে উপস্থিত ছিলেন

একমাত্র পরিবেশক সোফেল টেলিকম লিমিটেডের চেয়ারম্যান মোহাম্মদ মাজহারুল ইসলাম, মাইক্রোম্যাক্স ইনফরমেটিক্সের কান্ডি ম্যানেজার রিয়াজুল ইসলাম এবং সোফেল টেলিকম লিমিটেডের ডিরেক্টর সাকিব আরাফাত এবং মাইক্রোম্যাক্স ও সোফেল টেলিকম লিমিটেডের উর্ধ্বতন কর্মকর্তারা। উদ্বোধনী



অনুষ্ঠানে মোহাম্মদ মাজহারুল ইসলাম বলেন, এই ঈদে আমরা ইউজারদের জন্য মাইক্রোম্যাক্সের নতুন সাতটি মডেলের স্মার্টফোন নিয়ে এসেছি। মাইক্রোম্যাক্সের স্মার্টফোনগুলো ক্রেতাসাধারণের কাছে পৌঁছে দিতেই আমরা বসুন্ধরা সিটিতে এই শোরুম উদ্বোধন করলাম।

গ্রামীণফোন গ্রাহকদের জন্য বিনামূল্যে স্বাস্থ্যসেবা

গ্রাহকদের জন্য নতুন ডিজিটাল স্বাস্থ্যসেবা 'টনিক' চালু করেছে গ্রামীণফোন এবং টেলিনর হেলথ। সম্প্রতি স্বাস্থ্যমন্ত্রী মোহাম্মদ নাসিম, বিটিআরসি চেয়ারম্যান ড. শাহজাহান মাহমুদ এবং স্বাস্থ্য খাতে টেলিনর হেলথের সহযোগীদের উপস্থিতিতে স্থানীয় একটি হোটেলে 'টনিক' উদ্বোধন করা হয়। স্থানীয় ও আন্তর্জাতিক স্বাস্থ্য বিশেষজ্ঞ এবং চিকিৎসকসহ সাধারণ মানুষের অংশগ্রহণে ব্যাপক গবেষণা ও ধারণা উন্নয়নের পথ ধরে সৃষ্টি হয়েছে টনিক।

টনিক সদস্যরা চার ধরনের সুবিধা পাবেন- 'টনিক জীবন'-এর মাধ্যমে টনিক সদস্যরা এসএমএস, ওয়েব ও ফেসবুকের মাধ্যমে প্রতিদিনকার সুস্থ জীবনযাপনে ভালো খাওয়া, সক্রিয় থাকা এবং মানসিকভাবে সজীব থাকা নিয়ে বিভিন্ন টিপস ও তথ্য পাবেন। 'টনিক ডাক্তার' সদস্যদের সুযোগ করে দেবে সপ্তাহের সাত দিন ২৪ ঘণ্টা ফোনের মাধ্যমে অভিজ্ঞ ডাক্তারের তথ্যবহু ও বন্ধুত্বপূর্ণ পরামর্শ পাওয়ার। 'টনিক ডিসকাউন্ট' দেশজুড়ে স্বনামধন্য ৫০টিরও বেশি হাসপাতালে হাসপাতাল ফি'র ওপর সর্বোচ্চ ৪০ শতাংশ ডিসকাউন্টের সুযোগ করে দেবে। 'টনিক ক্যাশ'-এর মাধ্যমে এর সদস্যরা তিন রাত কিংবা তারও বেশি হাসপাতালে প্রদত্ত বিল থেকে ৫শ' টাকা পরিশোধ করা হবে।

লেনোভোর ৪ ক্যামেরার ফোন 'ফ্যাব ২ প্রো'



'ফ্যাব ২ প্রো' নামে দুর্দান্ত এক স্মার্টফোন বাজারে আনছে লেনোভো। তবে একা নয়, গুগলের সাথে যৌথ উদ্যোগে। সানফ্রান্সিসকোতে অনুষ্ঠিত লেনোভো টেক ওয়ার্ল্ড ২০১৬ মেগা ইভেন্টে প্রতিষ্ঠানটির সিইও প্রকাশ্যে আনেন এই 'প্রজেক্ট ট্যাঙ্গো' স্মার্টফোন। সেপ্টেম্বর থেকে বাজারে ফোনটির বিক্রি শুরু হবে, তবে শুরুতে কিনতে হবে অনলাইন স্টোরে। স্পোর্টস মডেলটির দাম মার্কিন ডলারে ৪৯৯। লেনোভো ফ্যাব ২ প্রো স্পোর্টস মডেলে রয়েছে ৬.৪ ইঞ্চির এইপিএস ডিসপ্লে। রয়েছে চারটি ক্যামেরা, যার মধ্যে রিয়ার ক্যামেরা ১৬ মেগাপিক্সেলের, ফ্রন্টে ৮ এমপি। রয়েছে একটি মোশন সেন্সিং ক্যামেরা ও একটি ডেপথ সেন্সিং ইনফ্রারেড ক্যামেরা। ৪ জিবি র‍্যাম ও অক্টাকোর কোয়ালকম স্ল্যাপড্রাগন প্রসেসর ফ্যাব ২ প্রোকে বাকিদের চেয়ে বেশ এগিয়ে রাখবে। মিউজিকের জন্য রয়েছে ডলবি অডিও ৫.১ ক্যাপচার টেকনোলজি।

রবির মোবাইল ফোনভিত্তিক বিজ্ঞাপন চালু



ক্রেতাদের কাছে মোবাইল ফোনের মাধ্যমে পণ্য বা সেবার বিজ্ঞাপন পৌঁছে দিতে 'মোবিরিচ' নামে একটি ডিজিটাল সেবা চালু করেছে রবি। সুনির্দিষ্ট তথ্যনির্ভর প্রোফাইলিংয়ের মাধ্যমে যেকোনো পণ্য বা সেবার সবচেয়ে সম্ভাব্য ক্রেতার হাতে বিজ্ঞাপনটি পৌঁছে দেয়া যাবে এই সেবার মাধ্যমে। বিভিন্ন ব্র্যান্ড এবং স্বল্প ও মাঝারি পুঁজির উদ্যোক্তাদের (এসএমই) জন্য প্লাটফর্মটি সহায়ক হবে বলে প্রত্যাশা করা হচ্ছে। দেশে প্রথমবারের মতো এমন একটি অত্যাধুনিক মোবাইল অ্যাডভারটাইজিং প্লাটফর্ম চালু করল অপারেটরটি। মোবিরিচের প্রযুক্তি এমনভাবে সাজানো যেন ব্র্যান্ড বা এসএমইর বার্তাগুলো সঠিক সময়ে সঠিক গ্রাহকের কাছে পৌঁছায়। প্লাটফর্মটি গ্রাহকের প্রয়োজন ও পছন্দের বিষয়টি নিরূপণের মাধ্যমে এসএমএস বা ভয়েস কলের মাধ্যমে পণ্য বা সেবার তথ্যটি পৌঁছে দেবে।

মাইক্রোম্যাক্সের নতুন ৭ হ্যান্ডসেট বাজারে

মাইক্রোম্যাক্স তাদের নতুন সাতটি হ্যান্ডসেটের মোড়ক উন্মোচন করেছে। গত ১২ জুন রাজধানীর একটি হোটেলে আয়োজিত এই মোড়ক উন্মোচন অনুষ্ঠানে উপস্থিত ছিলেন মাইক্রোম্যাক্স ইনফরমেশন টেকনোলজি বাংলাদেশের কান্ট্রি ম্যানেজার রিয়াজুল ইসলাম, ন্যাশনাল ডিস্ট্রিবিউটর সোফেল টেলিকম লিমিটেডের হেড অব বিজনেস সাকিব আরাফাত এবং মাইক্রোম্যাক্স ও সোফেল টেলিকমের ঊর্ধ্বতন কর্মকর্তারা। অনুষ্ঠানের মূল আকর্ষণ ছিল মাইক্রোম্যাক্সের নতুন দুটি ফ্ল্যাগশিপ মডেল ক্যানভাস ৬ ও ক্যানভাস ৬



প্রোর মোড়ক উন্মোচন। এ ছাড়া পাওয়ার ব্যাংক সাথে নিয়ে ঘুরতে যারা অস্বস্তি বোধ করেন, তাদের জন্য ৪০০০ মিলিঅ্যাম্পিয়ারের ব্যাটারি ও ২ জিবি র‍্যাম দিয়ে বাজারে এসেছে মাইক্রোম্যাক্সের কিউ৪৬১ মডেলের আরেকটি স্মার্টফোন। অনুষ্ঠানে এন্ট্রি লেভেলের চারটি মডেলের স্মার্টফোনের মোড়ক উন্মোচন করা হয়। মডেলগুলো হলো- কিউ৩০১, কিউ৩৮৩, কিউ৩৮১ এবং কিউ৩৫০। দাম যথাক্রমে ২,৯৯০ টাকা, ৪,৩৯০ টাকা, ৪,৮৯০ টাকা এবং ৪৯৮০ টাকা। চলতি মাসের মাঝামাঝি সারাদেশের মোবাইল মার্কেটগুলোতে হ্যান্ডসেটগুলো পাওয়া যাবে। যোগাযোগ : ০২৯৮৮০২০৪

শ্রীমঙ্গলে মাইক্রোসফট বুট ক্যাম্প

ডিজিটাল অফিস ব্যবস্থাপনায় ডকুমেন্ট ব্যবহার ও সংরক্ষণে সবাই এখন নির্ভর করতে শুরু করেছেন ক্লাউড প্রযুক্তির ওপর। এ ক্ষেত্রে বিদ্যমান বুকিং থেকে নিরাপদ রাখতে মাইক্রোসফট ৩৬৫-এ অস্তিত্ব আছে বেশ কিছু অতিরিক্ত ফিচার।



পেশাজীবীদের জন্য রয়েছে স্কাইপ ফর বিজনেস, সোশ্যাল নেটওয়ার্ক ইয়ামার, মেইল, কন্টাক্ট ক্যালেন্ডার সিঙ্ক করতে ডেলভি। এসব টুল একজন পেশাজীবীর কাজকে যেমন সহজ করে, তেমনি তাকে নিরাপদ রাখে।

সম্প্রতি মৌলভীবাজার জেলার শ্রীমঙ্গে দিনব্যাপী মাইক্রোসফট বুট ক্যাম্প কর্মশালায় এসব তথ্য তুলে ধরা হয়। বাংলাদেশে মাইক্রোসফট পণ্য ও সেবা পরিবেশক কমপিউটার সোর্স আয়োজিত এই কর্মশালা অনলাইনে অফিসের বিভিন্ন কাজে 'অফিস ৩৬৫'-এর বিভিন্ন সুবিধা ও ফিচারের ওপর আলোকপাত করার পাশাপাশি ব্যবহারের কিছু কৌশল শেখানো হয় কর্মশালায় উপস্থিত মাইক্রোসফট খুচরা ব্যবসায়ীদের। কর্মশালা পরিচালনা করেন মাইক্রোসফট বাংলাদেশের পার্টনার অ্যাকাউন্ট ম্যানেজার (ডিস্ট্রিবিউটরস) খলিলুল হক এবং কমপিউটার সোর্সের মাইক্রোসফট পণ্য ব্যবস্থাপক আবু তারেক আল কাইয়ুম তপন।

সিসিএনএ কোর্সে ভর্তি

আইবিসিএস-প্রাইমেক্সে সিসিএনএ ও সিসিএনপি নতুন সিলেবাসে প্রশিক্ষণ ও ভর্তি চলছে। চলতি মাসে রবি ও মঙ্গলবার ব্যাচে ক্লাস শুরু হবে। যোগাযোগ : ০১৭১৩৩৯৭৫৬৭-৮

এমএসআই এইচ১১০এম ইকো মাদারবোর্ড



ইউসিসি বাজারজাত করছে এমএসআইয়ের নতুন এইচ১১০এম ইকো মাদারবোর্ড। বেস্ট ইন ক্লাস ও ফিচার সংবলিত এই গেমিং মাদারবোর্ডটি ইন্টেল এলজিএ ১১৫১ সকেট ও ষষ্ঠ প্রজন্মের প্রসেসরের ব্যবহারোপযোগী। র‍্যামের জন্য রয়েছে দুটি স্লট, যাতে সর্বোচ্চ ৩২ জিবি পর্যন্ত ডিডিআর৪ র‍্যাম ব্যবহার করা যাবে। এতে ব্যবহার হয়েছে উন্নতমানের মিলিটার ক্লাস ৪ প্রযুক্তি। এ ছাড়া এই বোর্ডটির সর্বাধিক সুবিধা হচ্ছে দুটি ইউএসবি ৩.১, দুটি ইউএসবি ২.০ এবং সাটা ৬৪ জিবি/সেকেন্ড ব্যবহারের সুযোগ, যার মাধ্যমে ডাটাগুলো দ্রুত স্থানান্তর করা সম্ভব। আউটপুটের জন্য রয়েছে ভিজিএ, ডিভিআই সাপোর্ট। যোগাযোগ : ০১৮৩৩৩৩১৬০১

রিভ অ্যান্টিভাইরাস

বাজারজাতের দায়িত্ব পেল টেক রিপাবলিক

বাংলাদেশের বাজারে বিশ্বের খ্যাতনামা তথ্যপ্রযুক্তি প্রতিষ্ঠান রিভ সিস্টেমসের অ্যান্টিভাইরাস বাজারজাতের দায়িত্ব পেয়েছে দেশীয় আইটি কোম্পানি টেক রিপাবলিক। রিভ অ্যান্টিভাইরাস বাজারজাত করা প্রসঙ্গে টেক রিপাবলিকের ব্যবস্থাপনা পরিচালক এইচএম ফয়েজ মোরশেদ বলেন, বাংলাদেশ এবং আন্তর্জাতিক তথ্যপ্রযুক্তি শিল্পে রিভ সিস্টেমস এখন পরিচিত এক নাম। দেশের বাজারে এই ব্র্যান্ডের অ্যান্টিভাইরাস বাজারজাতের দায়িত্ব পেয়ে আমরা ভীষণভাবে আনন্দিত। রিভ অ্যান্টিভাইরাসের



সিইও সঞ্জিত চ্যাটার্জী বলেন, বর্তমান সময়ে কমবেশি সবাই একাধিক ডিভাইস ব্যবহার করেন। এ জন্য রিভ অ্যান্টিভাইরাসও দিচ্ছে প্রতিটি প্যাকেজে ন্যূনতম দুটি করে লাইসেন্স। তিনি জানান, অ্যান্টিথেফট সেবাসহ সর্বাধুনিক এই নিরাপত্তা প্রোগ্রামে রয়েছে মোবাইল অ্যাপ থেকেই নিজের সব ডিভাইসের সার্বক্ষণিক মনিটরিংয়ের ব্যবস্থা। www.reveantivirus.com ওয়েবসাইটের পাশাপাশি চলতি মাস থেকে দেশের সব অভিজাত কমপিউটার ও কমপিউটার সামগ্রীর দোকানে পাওয়া যাবে রিভ অ্যান্টিভাইরাস।

আসুসের নতুন গেমিং ল্যাপটপ

আসুস দেশের গেমারদের জন্য নিয়ে এসেছে নতুন গেমিং ল্যাপটপ 'জি৭৫২ভিওয়াই'। ষষ্ঠ প্রজন্মের ইন্টেল কোরআই৭ প্রসেসর, এনভিডিয়া জিফোর্স জিটিএক্স ৯৮০এম, ৮ জিবি ডিডিআর৫ ভিডিও গ্রাফিক্স এবং ১৭.৩ ইঞ্চি ফুল এইচডি এলইডি ডিসপ্লেসমুদ্র ল্যাপটপটি সর্বোচ্চ কার্যক্ষমতাসম্পন্ন ও স্পষ্ট ভিজুয়াল ইফেক্ট দিতে সক্ষম। এতে আরও



রয়েছে ২ টেরাবাইট সাটা হার্ডডিস্ক, ১২৮ জিবি সলিড-স্টেট ডিস্ক, ৩২ জিবি ডিডিআর৪ র‍্যাম (৬৪ জিবি পর্যন্ত বাড়ানো যায়)। এ ছাড়া ৪.৩ কেজি ওজনের এই ল্যাপটপটিতে রয়েছে ওয়াইফাই, ব্লু-রে ডিভিডি রাইটার, এইচডি ওয়েবক্যাম ও ল্যানক্যাম। দাম ১,৮৮,০০০ টাকা

রেডহ্যাট ভার্সুয়ালাইজেশন কোর্সে ভর্তি

আইবিসিএস-প্রাইমেক্সে রেডহ্যাট লিনআক্সের ভার্সুয়ালাইজেশন কোর্সে শুরু ও শনিবারের ব্যাচে ভর্তি চলছে। ৩২ ঘণ্টার কোর্সে অভিজ্ঞ প্রশিক্ষক দিয়ে প্রশিক্ষণ দেয়া হবে। কোর্স শেষে রেডহ্যাট সার্টিফিকেট দেয়া হবে। যোগাযোগ : ০১৭১৩৩৯৭৫৬৭

আসুস জেনবুক প্রো বাজারে

আসুসের একমাত্র পরিবেশক গ্লোবাল ব্র্যান্ড বাজারে এনেছে ডিজাইনার সিরিজের নতুন মাল্টিমিডিয়া জেনবুক প্রো 'ইউএক্স ৫০১' ডিউভিউ-৬৭০০ এইচকিউ'। এতে রয়েছে ব্যাং ও উলফসেন প্রযুক্তি এবং ১৫.৬ ইঞ্চি ফুল এইচডি ডিসপ্লে।



রয়েছে ২.৬০ গিগাহার্টজ ষষ্ঠ প্রজন্মের ইন্টেল কোরআই৭ প্রসেসর, ১ টেরাবাইট হার্ডডিস্ক, ১৬ জিবি ডিডিআর, ১২৮ এসএসডি র‍্যাম, ৪ জিবি এনভিডিয়া জিফোর্স ৯৬০ এমভিডিও গ্রাফিক্স, মাল্টিটাঙ্কিং ক্ষমতা, ওয়াইফাই, ব্লুটুথ, ল্যানজ্যাক, এইচডি ওয়েবক্যাম। কার্ড রিডার ও উইন্ডোজ ১০ সমৃদ্ধ এই জেনবুকটির ওয়ারেন্ট দুই বছর। দাম ১,৩৮,০০০ টাকা।

সার্টিফায়েড ইনফরমেশন সিস্টেমস অডিটর কোর্সে ভর্তি

আইবিসিএস-প্রাইমেক্সে চলতি মাসে সার্টিফায়েড ইনফরমেশন সিস্টেমস অডিটর (সিসা) কোর্সটি অনুষ্ঠিত হবে। সিসা রিভিউ ম্যানুয়াল ২০১৪ সালের নতুন সিলেবাস অনুযায়ী সিসা পরীক্ষার প্রস্তুতিসহ কর্মক্ষেত্রভিত্তিক প্রশিক্ষণ ও সার্টিফায়েড অভিজ্ঞ প্রশিক্ষক দিয়ে প্রশিক্ষণ দেয়া হবে। যোগাযোগ : ০১৭১৩৩৯৭৫৬৭

আইভোমি ব্র্যান্ডের স্পিকার

দেশের বাজারে আইভোমি ব্র্যান্ডের স্পিকার বাজারজাত করছে ইউসিসি। এগুলো হলো- আইভিও-২৪৫, আইভিও-২৫৮, আইভিও-১৬৩০ইউ, আইভিও-১৬১০ইউ এবং আইভিও-১৬০০এস। প্রথম মডেল তিনটির বৈশিষ্ট্য হলো



এলইডি ডিসপ্লে, রিমোট কন্ট্রোল এবং ইউএসবি/এসডি স্লট ও এফএম ফাউন্ডেশন সাপোর্টেড। আর শেষ মডেলের স্পিকার দুটি ইউএসবি কার্ড রিডার এবং রিমোট কন্ট্রোল সাপোর্টেড। স্পিকারগুলো ২.১ চ্যানেলে পাওয়া যাবে। যোগাযোগ : ০১৮৩৩৩৩১৬০১

রেডহ্যাট এন্টারপ্রাইজ পারফরম্যান্স টিউনিং কোর্সে ভর্তি

আইবিসিএস-প্রাইমেক্সে রেডহ্যাট এন্টারপ্রাইজ পারফরম্যান্স টিউনিং কোর্সে ভর্তি চলছে। ৩২ ঘণ্টার কোর্সটির প্রশিক্ষণের দায়িত্বে থাকবেন রেডহ্যাট ইন্ডিয়া কর্তৃক অভিজ্ঞ প্রশিক্ষক। কোর্স শেষে রেডহ্যাট কর্তৃক সার্টিফিকেট দেয়া হবে। যোগাযোগ : ০১৭১৩৩৯৭৫৬৭-৮

গ্রামীণফোন এক্সপ্রেস চালু

গ্রাহকদের ডিভাইস সম্পর্কিত এবং ডিজিটাল পণ্য ও সেবা দেয়ার জন্য 'গ্রামীণফোন এক্সপ্রেস' চালু করেছে দেশের শীর্ষস্থানীয় মোবাইল অপারেটর গ্রামীণফোন। গ্রাহকদের ডিজিটাল জীবনধারায় অভ্যস্ত করে তুলতে সহায়তার জন্য দেশজুড়ে এক হাজারের বেশি ওয়ান স্টপ স্টোরের সমন্বয়ে গ্রামীণফোন এক্সপ্রেস চালু করা হয়েছে। দেশজুড়ে গ্রাহকদের জন্য সুবিধাজনক স্থানে এই ওয়ান স্টপ স্টোরগুলো স্মার্টফোন ও ডিভাইস, ই-কমার্স,



জিপি অ্যাপস, থার্ড পার্টি অ্যাপসসহ (ফেসবুক) গ্রামীণফোনের আসন্ন পোস্ট পেইড সংযোগ ও অ্যাক্সেসরিজ নিয়ে গ্রাহক চাহিদা পূরণে আস্থার সাথে কাজ করবে। গ্রামীণফোনের প্রধান বিপণন কর্মকর্তা ইয়াসির আজমান সেবাটি সম্পর্কে বলেন, দেশে ডিজিটাল বিপ্লব আনতে কাজ করে যাওয়ার মাধ্যমে গ্রামীণফোন সমাজের ক্ষমতায়নে নিরলস প্রচেষ্টা চালিয়ে যাবে। আমাদের গ্রাহকদের ডিজিটাল জীবনধারা ও অগ্রগতিকে সহজ করে তুলবে এ উদ্যোগ।


লেনোভোর পণ্য কিনে ঘুরে আসুন মালয়েশিয়া

ঈদুল ফিতর উপলক্ষে গ্লোবাল ব্র্যান্ডে গত ১৬ জুন থেকে শুরু হয়েছে 'লেনোভো ঈদ উল্লাস' শীর্ষক সেলস প্রমোশনাল অফার। উক্ত অফারটিতে লেনোভো ব্র্যান্ডের ইয়োগা সিরিজ, গেমিং সিরিজ ও আইডিয়া প্যাডের জি ও আইপি সিরিজের ল্যাপটপ কিনে লটারির মাধ্যমে ক্রেতার পেতে পারেন



মালয়েশিয়া ঘুরে আসার সুযোগসহ ৩২ ইঞ্চি সনি এলইডি টিভি, স্মার্টফোনের মতো আকর্ষণীয় পুরস্কার। এসএমএসের মাধ্যমে বিজয়ীদের নাম ঘোষণা করা হবে ঈদের পর। এ ছাড়া প্রতিটি লেনোভোর ল্যাপটপ কিনলেই নিশ্চিত উপহার হিসেবে পাবেন রাউটার, ব্লাডি গেমিং মাউস ও পাডা গ্লোবাল অ্যান্টিভাইরাসের সাথে স্পিকার। অফারটি চলবে আগামী ২৫ জুলাই পর্যন্ত।

নিট্রো আর৯ ৩৮০এক্স গ্রাফিক্স কার্ড



ইউসিসি সম্প্রতি বাজারজাত করছে বিশ্বখ্যাত সাফারার ব্র্যান্ডের নতুন গ্রাফিক্স কার্ড নিট্রো আর৯ ৩৮০এক্স, এএমডি রাডেওন স্থাপত্য দিয়ে চালিত, এটি উন্নত প্রযুক্তি এবং উচ্চ ক্ষমতাসম্পন্ন গ্রাফিক্স, গেমিংয়ের জন্য পরিচালিত কার্ড। কার্ডটি সর্বাধুনিক জিডিডিআর৫ মেমরি স্পিডের সর্বাধিক ৮ জিবি আকারে পাওয়া যাবে। কার্ডটি তিনটি ফ্যানসমৃদ্ধ। এর ২৮ এনএম চিপসেটের তৈরি ও সর্বোচ্চ ২০৪৮ স্ট্রিম প্রসেসর যুক্ত রয়েছে। মেমরি ক্লক ৯৭০ মেগাহার্টজ এবং সর্বোচ্চ পাঁচটি ডিসপ্লে আউটপুট হিসেবে পাওয়া যাবে। যোগাযোগ : ০১৮৩৩৩৩১৬০১

প্রজেক্ট ম্যানেজমেন্ট প্রফেশনাল কোর্সে ভর্তি

আইবিসিএস-প্রাইমেক্সে সার্টিফায়েড পিএমপি এক্সপার্ট ইন্ডিয়ায় প্রশিক্ষকের অধীনে প্রজেক্ট ম্যানেজমেন্ট প্রফেশনাল (পিএমপি) ট্রেনিং অনুষ্ঠিত হতে যাচ্ছে। চার দিনের কোর্সটির দায়িত্বে থাকবেন ভারতের অভ্যন্তরীণ ডট্টাচার্য। চলতি মাসে পিএমপি ব্যাচটি অনুষ্ঠিত হবে। যোগাযোগ : ০১৭১৩৩৯৭৫৬৭-৮

ভিভিটেকের ৬ মডেলের ডাটা প্রজেক্টর



তাইওয়ানের ব্র্যান্ড ভিভিটেকের অন্যতম পরিবেশক গ্লোবাল ব্র্যান্ড বাজারে এনেছে নতুন ৬টি মডেলের ডিএলপি প্রজেক্টর। মডেলগুলো হলো- ডিএস২৩৪, ডিএক্স২৫৫, ডিএস২৩ডিএএ, ডিএক্স২৫ইএএ, ডিউব্লিউ৮৩২ এবং ডিএক্স৯৭৭ডব্লিউটি। অত্যাধুনিক ডিএলপি প্রযুক্তিসম্পন্ন প্রজেক্টরগুলো এসভিজিএ, এক্সজিএ ও ডব্লিউ এক্সজিএ ফরম্যাটে তৈরি, যার উজ্জ্বলতা ৩২০০ থেকে ৬০০০ লুমেন পর্যন্ত, যা স্বচ্ছ ও স্পষ্ট দৃশ্য আনতে সক্ষম। এছাড়া এই নতুন মডেলগুলোর ল্যাম্প লাইফ ২৫০০ থেকে ৮০০০ ঘণ্টা পর্যন্ত। দাম ৩৩,৯৯৯ থেকে ১,০৩,০০০ টাকা। পণ্যগুলোতে রয়েছে দুই বছরের বিক্রয়োত্তর সেবা।

জাভা ভেভর সার্টিফিকেশন কোর্সে ভর্তি

আইবিসিএস-প্রাইমেক্সে জাভা ভেভর সার্টিফিকেশন কোর্সে ফেক্সরিয়ার সেশনে ভর্তি চলছে। এই কোর্স শুরু ও শনিবার ৫৫ ঘণ্টার। প্রশিক্ষণে ওরাকল কর্তৃক অরিজিনাল স্টাডি মেটেরিয়াল, অনলাইন পরীক্ষার ডিসকাউন্ট ভাউচার ও কোর্স শেষে সার্টিফিকেট দেয়া হবে। যোগাযোগ : ০১৭১৩৩৯৭৫৬৭-৮

আইএসপি সনদ পেল জাদু ডিজিটাল

ডিজি জাদু ব্রডব্যান্ড লিমিটেড সম্প্রতি বাংলাদেশ টেলিকমিউনিকেশন রেগুলেটরি কমিশন থেকে আইএসপি সনদপ্রাপ্ত হয়েছে। ২০০৭ সালে প্রতিষ্ঠিত ডিজি জাদু ব্রডব্যান্ড লিমিটেডের কনজুমার ব্র্যান্ড হলো জাদু ডিজিটাল। গ্রাহকদের জন্য যুগান্তকারী বিনোদন এবং কমিউনিকেশন এক্সপেরিয়েন্স নিশ্চিত করাই



জাদু ডিজিটালের লক্ষ্য। জাদু ডিজিটাল বিশ্বের সর্বাধুনিক ও স্টেট অব দ্য আর্ট প্রযুক্তিসমৃদ্ধ ভিডিও ও ইন্টারনেট সার্ভিস তৈরি করেছে, যা ২৩০টিরও বেশি ডিজিটাল চ্যানেলে বিশ্বের বিভিন্ন দেশের বিনোদন নিয়ে এসেছে বাকবাকে ছবি ও ক্রিস্টাল ক্লিয়ার সাউন্ডসহ ২৪ ঘণ্টা। এরই মধ্যে ঢাকার গুলশান, বনানী, উত্তরা, নিকুঞ্জ, নিকেতন, মোহাম্মদপুর জাপান গার্ডেন সিটিতে এ সেবা চালু হয়েছে। এ বছরের মধ্যে চালু হবে পুরো ঢাকায়। এ জন্য বড় আকারের শক্তিশালী ডাটা সেন্টার চালু করা হয়েছে।

থার্মালটেক কুলিং সিস্টেম

ইউসিসি বাজারজাত করছে বিশ্বখ্যাত থার্মালটেক ব্র্যান্ডের নতুন ওয়াটার কুলিং সিস্টেম 'ওয়াটার ৩.০ রিং আরজিবি ২৪০'। এতে রয়েছে আরজিবি ২৫৬ কালারস, ডুয়াল ১২০ এমএম পাওয়ারফুল হাই স্ট্যাটিক প্রেসার এবং একটি স্মার্ট ফ্যান কন্ট্রোলার। রয়েছে সিপিইউ তাপমাত্রা নিয়ন্ত্রণ করার জন্য ২৪০এম এবং ৩৬০এমএমের রেডিয়েটর। যোগাযোগ : ০১৮৩৩৩৩১৬০১



রেডহ্যাট লিনআক্স-৭ কোর্সে ভর্তি

রেডহ্যাট লিনআক্সের বেস্ট ট্রেনিং ও এক্সাম পার্টনার আইবিসিএস-প্রাইমেস্ট্রে রেডহ্যাট লিনআক্স-৭ কোর্সে ভর্তি চলছে। ১০৪ ঘণ্টার এই কোর্সে সিস্টেম অ্যাডমিনিস্ট্রেশন, নেটওয়ার্ক ও সিকিউরিটি অ্যাডমিনিস্ট্রেশন এবং সার্ভার কনফিগারেশন প্রশিক্ষণ দেয়া হবে। কোর্স শেষে রেডহ্যাট কর্তৃক সার্টিফিকেট দেয়া হবে। যোগাযোগ : ০১৯১৩৩৯৭৬৬৭

গ্লোবাল ব্র্যান্ডে 'ইভোলিস' ব্র্যান্ডের প্লাস্টিক কার্ড প্রিন্টার



গ্লোবাল ব্র্যান্ড বাজারে এনেছে ফ্রান্সের তৈরি 'ইভোলিস' ব্র্যান্ডের প্লাস্টিক কার্ড প্রিন্টিং মেশিন 'ব্রাজি ২০০'। এই প্রিন্টারের মাধ্যমে যেকোনো তাৎক্ষণিকভাবে তার নিজ প্রতিষ্ঠানের জন্য প্লাস্টিক আইডি কার্ড, অ্যাক্সেস কন্ট্রোল কার্ড, ইভেন্ট ম্যানেজমেন্ট কার্ড, ক্লাবের মেম্বারশিপ কার্ড, সুপার শপের লয়ালটি কার্ড, ব্যাংকের ডেবিট ও ক্রেডিট কার্ড প্রিন্ট করতে পারবেন। প্রিন্টারটির দাম ৭৫,০০০ টাকা। সাথে রয়েছে এক বছরের ওয়ারেন্টি। যোগাযোগ : ০১৯৭৭৪৭৬৪৩০

ডেলের নতুন ল্যাপটপ

ঈদ উপলক্ষে ডেল ব্র্যান্ডের ইস্পায়রন ১১-৩১৬২ মডেলের নতুন ল্যাপটপ বাজারে নিয়ে এসেছে স্মার্ট টেকনোলজিস। ইন্টেল পেন্টিয়াম কোয়ার্ড কোর এন৩৭০০ মডেলের প্রসেসরসমৃদ্ধ এই ল্যাপটপে রয়েছে ৪ জিবি ডিডিআর৩ র‍্যাম, ৫০০ জিবি হার্ডড্রাইভ, ১১.৬ ইঞ্চি এইচডি এলইডি ডিসপ্লে ইন্টেল এইচডি গ্রাফিক্স, ওয়েব ক্যামেরা এবং ওয়াইফাই সুবিধা। ১.২১ কেজি ওজনের এই ল্যাপটপে রয়েছে দুই বছরের বিক্রয়গোত্র সেবা। ঈদের বিশেষ দাম ২৭,০০০ টাকা। যোগাযোগ : ০১৭৩০৩১৭৭৩২



পিএইচপি-মাইএসকিউএল কোর্সে ভর্তি

আইবিসিএস-প্রাইমেস্ট্রে প্রফেশনাল পিএইচপি কোর্সে ফেব্রুয়ারি সেশনে ভর্তি চলছে। কোর্সের সময়সীমা ৯০ ঘণ্টা, যার মধ্যে দুটি রিয়েল লাইফ প্রজেক্ট অন্তর্ভুক্ত। পিএইচপির নিজস্ব সিলেবাসের পাশাপাশি রয়েছে অ্যাক্স, জেকুয়েরি, জুমলা ও অ্যাডভান্স অবজেক্ট অরিয়েন্টেড টেকনিক। যোগাযোগ : ০১৭১৩৩৯৭৬৬৭

ল্যাম্প ফ্রি প্রজেক্টর নিয়ে এলো 'ক্যাসিও'



জাপানিজ 'ক্যাসিও' ব্র্যান্ডের নতুন দুটি মডেলের ল্যাম্প ফ্রি প্রজেক্টর বাজারে এনেছে গ্লোবাল ব্র্যান্ড। এলইডি/লেজার প্রযুক্তিতে তৈরি ক্যাসিও এক্সজে-ভি১ এবং ক্যাসিও এক্সজে-ভি২ প্রজেক্টর দুটিতে রয়েছে এক্সজিএ রেজুলেশন, ভিজিএ সিস্টেম এবং এইচডিএমআই পোর্ট। অত্যাধুনিক এই ক্যাসিও প্রজেক্টর দুটির উজ্জ্বলতা ২৭০০ থেকে ৩০০০ লুমেন পর্যন্ত, যার সর্বোচ্চ লাইট সোর্স লাইফ ২০ হাজার ঘণ্টা পর্যন্ত। ল্যাম্প ফ্রি প্রযুক্তিতে তৈরি হওয়ায় প্রজেক্টরগুলো সম্পূর্ণরূপে পরিবেশবান্ধব এবং বিদ্যুৎসাশ্রয়ী। প্রজেক্টরগুলোর বিক্রয়গোত্র সেবা তিন বছর। যোগাযোগ : ০১৯১৫৪৭৬৩৫৯

গিগাবাইট জেড১৭০এক্স গেমিং জি১ মাদারবোর্ড



স্মার্ট টেকনোলজিস বাজারে এনেছে গিগাবাইট ব্র্যান্ডের জেড১৭০এক্স গেমিং জি১ মডেলের নতুন মাদারবোর্ড। ইন্টেল ৮র্থ প্রজন্মের কোর প্রসেসর সমর্থনকারী এই মাদারবোর্ডে রয়েছে ডুয়াল চ্যানেল ডিডিআর৪ র‍্যাম, ইউএসবি ৩.১ ইউএসবি কানেক্টর পোর্ট, আল্ট্রা ডিউরেবল মেটাল শিল্ডসমৃদ্ধ ফোরওয়ে গ্রাফিক্স সাপোর্ট, ডুয়াল পিসিআইই জেন৩ কানেক্টর, তিনটি সাটা এক্সপ্রেস কানেক্টর, ইন্টিগ্রেটেড এইচডিএমআই সাপোর্ট, ক্রিয়েটিভ সাটিফায়েড সাউন্ড ব্লাস্টার, কিলার ডাবল শট এক্স৩ থ্রো, এলইডি ট্রেস প্যাথ, ওয়াটার কুলিং রেডি হিটসিঙ্ক ডিজাইন, ইন্টিগ্রেটেড অ্যাপ সেন্টার এবং গিগাবাইট ইউইএফআই ডুয়াল বায়োস। তিন বছরের বিক্রয়গোত্র সেবাসহ দাম ৪৬,৫০০ টাকা। যোগাযোগ : ০১৭৩০৩১৯৮৩

ইয়োগা ৯০০ আল্ট্রা স্লিম টাচ আল্ট্রাবুক



লেনোভোর আল্ট্রা স্লিম টাচ আল্ট্রাবুক ইয়োগা ৯০০ বাজারে নিয়ে এলো গ্লোবাল ব্র্যান্ড। আল্ট্রাবুকটিতে ব্যবহার হয়েছে ৮.১৩ পিস ওয়াচব্যান্ড হিঞ্জ, যার সাহায্যে খুব সহজে ভাঁজ করে ট্যাবলেটটিকে মুভ করে কয়েকভাবে ব্যবহার করা যাবে। এর ১৩.৩ ইঞ্চি মাল্টিটাচ (৩২০০ বাই ১৮০০) কিউএইচডি ডিসপ্লে দেবে অসাধারণ ভিজুয়াল ইফেক্ট। আল্ট্রাবুকটির ওজন মাত্র ১.৩ কেজি এবং এর পুরুত্ব মাত্র ০.৫৯ মিলিমিটার, যার ফলে ব্যবহারকারী স্বাচ্ছন্দ্যের সাথে আল্ট্রাবুকটি যেকোনো স্থানে বহন করে নিয়ে যেতে পারবেন। এক বছর ইন্টারন্যাশনাল ওয়ারেন্টিসহ আল্ট্রাবুকটির দাম ১,৩০,০০০ টাকা। যোগাযোগ : ০১৯৬৯৬৩৩১৫৩

ট্রান্সসেডের অ্যাপল সলিউশন প্রোডাক্ট বাজারে



ট্রান্সসেড ব্র্যান্ডের অ্যাপল সলিউশন পণ্য এখন বাজারে সরবরাহ করছে ইউসিসি। প্রোডাক্টগুলো হলো- এসএসডি আপগ্রেড কিট ফর ম্যাক, যা ম্যাক বুক এয়ার, ম্যাক বুক প্রো এবং ম্যাক বুক প্রো উইথ রেটিনা ডিসপ্লে প্রোডাক্টগুলো বিভিন্ন ভার্সনের ওপর ভিত্তি করে আলাদাভাবে বাজারে পাওয়া যাবে। ২৪০ জিবি, ৪৮০ জিবি ও ৯৬০ জিবি আকারে পাওয়া যাবে এই এসএসডি আপগ্রেড কিট। রয়েছে এক্সটারনাল ফ্ল্যাশ এক্সপ্যানশন কার্ড, যা ম্যাক বুক এয়ার ১৩ ইঞ্চি, ম্যাক বুক প্রো ১৩ ইঞ্চি, ম্যাক বুক প্রো ১৫ ইঞ্চি লেট ২০১০ থেকে আরলি ২০১৫-এর বিভিন্ন মডেলের ওপর ভিত্তি করে ভিন্ন ভিন্ন মডেল যেমন- জেট ড্রাইভ লাইট ১৩০, ৩৩০, ৩৫০ ও ৩৬০-এর ১২৮ জিবি আকারে পাওয়া যাবে। যোগাযোগ : ০১৮৩৩৩৩১৬০১

ফিলিপসের নতুন মনিটর



গ্লোবাল ব্র্যান্ড পরিবারে নতুন সদস্য হিসেবে আওতাভুক্ত হয়েছে ডাচ ব্র্যান্ড ফিলিপস, যা বাজারে নিয়ে এসেছে ফিলিপস ২২৪ই৫কিউ

এইচএসবি এইচ-আইপিএস এলইডি ডিসপ্লে মনিটর। আন্ট্রা হাই ডেফিনিশন প্রযুক্তিসম্পন্ন ব্যাজল ফ্রি এই ২১.৫ ইঞ্চি এলসিডি মনিটরটিতে রয়েছে অত্যাধুনিক ১৬.৯ আসপেক্ট রেশিও এইচডি ডিসপ্লে, এমএইচএল এবং ওয়ালমাস্ট ভিইএসএ সিস্টেম। এর ফুল এইচডি রেজুলেশন ১৯২০এক্স বাই ১০৮০ স্ট্যাটিক কন্ট্রাস্ট ও সুপার ক্লিয়ার ট্রু ভিশন টেকনোলজি। মনিটরটির দাম ১১,২০০ টাকা। এছাড়া চাহিদা অনুযায়ী আরও চারটি ভিন্ন সাইজের এলইডি মনিটর ফিলিপস ১৬৩ডি৫এল, ১৯৩ডি৫এল, ২০৬ডি৬কিউ এবং ২২৬ডি৬কিউ এইচ-আইপিএস বাজারে পাওয়া যাচ্ছে সুলভ মূল্যে। মনিটরগুলোতে রয়েছে তিন বছরের বিক্রয়োত্তর সেবা।

সার্টিফায়েড আইএসও আইএসএমএস-২৭০০১ লিড অডিটর কোর্সে ভর্তি

আইবিসিএস-প্রাইমেস্স আইএসও লিড অডিটর আইটির বিভিন্ন প্রসেস সম্পর্কে ইনফরমেশন সিকিউরিটি ম্যানেজমেন্ট সিস্টেম এবং প্রসেস কন্ট্রোল স্ট্যান্ডার্ড সম্পর্কে দেশের একমাত্র সার্টিফায়েড প্রশিক্ষকের অধীনে সার্টিফায়েড আইএসও আইএসএমএস-২৭০০১ লিড অডিটর ট্রেনিং লাভ করেন। চলতি মাসে পঞ্চম ব্যাচটি অনুষ্ঠিত হবে। যোগাযোগ : ০১৭১৩৩৯৭৫৬৭

ভিউসনিকের ভিএক্স২২৬৩এস মনিটর



ইউসিসি সম্প্রতি বাজারে এনেছে ভিউসনিকের ২২ ইঞ্চি নতুন মডেলের মনিটর ভিএক্স২২৬৩। এটি

এলইডি ব্যাকলাইট সংবলিত ও অতি পাতলা ব্যাজল সুদৃশ্য ডিজাইনের তৈরি। এর ফুল এইচডি ১৯২০এক্স বাই ১০৮০ রেজুলেশন, ৫০০০০০০:১ স্ট্যাটিক কন্ট্রাস্ট রেশিও এবং সুপার ক্লিয়ার ভিএ টেকনোলজি দেবে গ্রাহকদের অবিশ্বাস্য সুন্দর স্ক্রিন পারফরম্যান্সের নিশ্চয়তা। এর ১৭৮ ডিগ্রি হরাইজন্টাল ও ভার্টিক্যাল ভিউ অ্যাঙ্গেল দেবে সর্বোচ্চ অ্যাঙ্গেল থেকে স্বচ্ছ ছবি। এ ছাড়া মনিটরটিতে রয়েছে ফ্লিকার ফ্রি সিস্টেম, ইকো মোড সিস্টেম, ব্যাকলাইট ফিল্টারের মতো ফিচার। যোগাযোগ : ০১৮৩৩৩৩১৬০১

অ্যান্ড্রয়ড অ্যাপ্লিকেশন কোর্সে ভর্তি

আইবিসিএস-প্রাইমেস্স অ্যান্ড্রয়ড অ্যাপ্লিকেশন ডেভেলপমেন্ট কোর্সে ভর্তি চলছে। ৮০ ঘণ্টার এই কোর্সটির সার্বিক পরিচালনায় থাকবেন অভিজ্ঞতাসম্পন্ন একজন প্রশিক্ষক। যোগাযোগ : ০১৭১৩৩৯৭৫৬৭

লেনোভো কিনলেই মিলবে ঈদের পাঞ্জাবি ও টুপি



এবার লেনোভোর পণ্যে ঈদি অফার করেছে স্মার্ট টেকনোলজিস। পুরো রমজান মাসে

লেনোভো ব্র্যান্ডের ল্যাপটপ এবং ট্যাবলেট কিনলেই কাস্টমারদের জন্য থাকছে সেরা উপহার। থিঙ্কপ্যাড ইয়োগা ২৬০ মডেলের কোরআই৭ ল্যাপটপ কিনলে কাস্টমারেরা পাবেন একটি আকর্ষণীয় লেনোভো এ১০০০ মডেলের স্মার্টফোন এবং অন্যান্য মডেলের লেনোভো ল্যাপটপের সাথে উপহার হিসেবে থাকবে একটি আকর্ষণীয় পাঞ্জাবি ও টুপি। এ ছাড়া লেনোভো ট্যাবলেটের কাস্টমারদের জন্যও থাকছে ঈদের বিশেষ পাঞ্জাবি। যোগাযোগ : ০১৭০৯৬৪২৪৫১

সার্টিফায়েড লিড পেনিট্রেশন টেস্টিং কোর্সে ভর্তি

আইবিসিএস-প্রাইমেস্স দেশের একমাত্র সার্টিফায়েড অথরাইজড সিএলপিটি এক্সপার্ট প্রশিক্ষকের অধীনে সার্টিফায়েড লিড পেনিট্রেশন টেস্টিং প্রফেশনাল ট্রেনিং ও এক্সাম অনুষ্ঠিত হতে যাচ্ছে। ১৭ জন প্রফেশনাল প্রশিক্ষণার্থী সফলভাবে সার্টিফিকেশন অর্জন করেছেন। চলতি মাসে সিএলপিটির দ্বিতীয় ব্যাচটি অনুষ্ঠিত হবে। যোগাযোগ : ০১৭১৩৩৯৭৫৬৭


গিগাবাইট জিভি-এন৭১০ডি৩-২জিএল গ্রাফিক্স কার্ড



স্মার্ট টেকনোলজিস বাজারে এনেছে গিগাবাইট ব্র্যান্ডের জিভি-এন৭১০ডি৩-২জিএল মডেলের নতুন গ্রাফিক্স কার্ড। এনভিডিয়া জিফোর্স

জিটি৭১০ জিপিইউ, ইন্টিগ্রেটেড ২ জিবি ডিডিআর৩ মেমরি, ৬৪ বিট ইন্টারফেস, ৯৫৪ মেগাহার্টজ কোরক্লক, ডুয়াল লিঙ্ক ডিভিআই-ডি/ডি সাব/এইচডিএমআই এবং পিসিআই এক্সপ্রেস ২.০ বাই ৮ বাস ইন্টারফেস। এই গ্রাফিক্স কার্ডটিতে ৩০০ ওয়াটের পাওয়ার সাপ্লাই ব্যবহার করা শ্রেয়। এক বছরের বিক্রয়োত্তর সেবাসহ দাম ৪,২০০ টাকা। যোগাযোগ : ০১৭৩০৭০১৯৮৩

টিম ব্র্যান্ডের ডেল্টা সিরিজের র‍্যাম



ইউসিসি সম্প্রতি বাজারজাত করেছে টিম ব্র্যান্ডের ডেল্টা সিরিজের র‍্যাম। এই র‍্যামগুলো ডুয়াল কিট (২ বাই ৪ জিবি) = ৮ জিবি এবং (২ বাই ৮ জিবি) = ১৬ জিবি আকারে বাজারে পাওয়া যাবে। ডিডিআর৪ এই র‍্যামটি ৩০০০-২৮০০ বাস পর্যন্ত সাপোর্ট করবে। এই র‍্যামগুলো ইউনিক ও সেফটি ডিজাইনের নিউ অ্যালুমিনিয়াম দিয়ে আবৃত, যা শক রোধ করে। র‍্যামটির ওয়ার্কিং ভোল্টেজ ১.৩৫ এবং ক্যাশ লেটেন্সি ১৬-১৬-১৬-৩৬। যোগাযোগ : ০১৮৩৩৩৩১৬০১

প্রোলিক্সের এক পণ্যে দুই দফা পুরস্কার

সিঙ্গাপুরভিত্তিক প্রযুক্তি ব্র্যান্ড প্রোলিক্সের রজত জয়ন্তীতে বাংলাদেশী গ্রাহকদের জন্য 'এক অঙ্গে দুই' নামে বিশেষ একটি অফার দিয়েছে প্রতিষ্ঠানটির বাংলাদেশী ব্যবসায় বন্ধু কমপিউটার সোর্স। গ্রাহকবান্ধব এই প্রণোদনায় প্রোলিক্স ব্র্যান্ডের যেকোনো ডিভাইস ক্রয়ে দুই দফা পুরস্কৃত করার ঘোষণা দেয়া হয়েছে। অফার অনুযায়ী আগামী ৩০ নভেম্বর পর্যন্ত প্রোলিক্স গ্রাহকেরা প্রতিটি ডিভাইস



কেনার সময় একটি কুপন পাবেন। কুপনটি তিন দফায় ড্র হবে। প্রথম দফায় ৩১ জুলাই এবং দ্বিতীয় দফায় ৩০ সেপ্টেম্বর প্রোলিক্স ডিভাইসসহ ২৫টি করে মোট ৫০টি পুরস্কার পাবেন বিজয়ীরা। অফারের শর্তানুযায়ী, প্রথম দফার বিজয়ীরা দ্বিতীয় দফার ড্র-এ অংশ নিতে না পারলেও চূড়ান্ত র‍্যাফেল ড্র-এ অংশ নিয়ে ১৬ ডিসেম্বর একই কুপনের বিপরীতে মোটরসাইকেল, ৪০ ইঞ্চি টিভি, ফ্লিড, স্মার্টফোন ও ওভেনসহ আকর্ষণীয় পুরস্কার জিততে পারবেন।

ওরাকল ১১জি ডিবিএ অ্যান্ড ডেভেলপার কোর্সে ভর্তি

আইবিসিএস-প্রাইমেস্স চলতি মাসে ওরাকল ১১জি ডিবিএ অ্যান্ড ডেভেলপার ভেভর সার্টিফিকেশন কোর্সে শুরু ও শনিবারের ব্যাচে ভর্তি চলছে। অভিজ্ঞ প্রশিক্ষকের মাধ্যমে কোর্স সমাপ্তির পর ছাত্রছাত্রীরা বিভিন্ন ব্যাংক, বীমা ও বহুজাতিক কোম্পানিতে চাকরির সুযোগ পাবেন। যোগাযোগ : ০১৭১৩৩৯৭৫৬৭

সিগেট হার্ডডিস্ক ড্রাইভ

ইউসিসি বাজারজাত করছে বিশ্বখ্যাত সিগেট ব্র্যান্ডের উচ্চ ক্ষমতাসম্পন্ন হার্ডড্রাইভ। এটি ২ থেকে ৮ টেরাবাইট আকারে পাওয়া যাবে। বর্তমানে তিনটি সিরিজের ইন্টারনাল হার্ডড্রাইভ সলিউশন বাজারজাত করা হচ্ছে। সিরিজগুলো হলো- সার্ভিল্যান্স, ডেক্সটপ এবং

নেটওয়ার্ক অ্যাটাচড। ভিন্ন ভিন্ন প্রয়োজন অনুসারে এগুলো ব্যবহার হয়ে থাকে। কর্পোরেট অফিস, শিল্পপ্রতিষ্ঠান, ফ্যাক্টরি এবং বিভিন্ন মার্কেটের দোকানের আইপি ও সিসি ক্যামেরার ডাটা সংগ্রহ করার জন্য সার্ভিল্যান্স মডেলটি ব্যবহার করা হয়ে থাকে। যোগাযোগ : ০১৮৩৩৩৩১৬০১